

HUMAN  
RIGHTS  
WATCH

بدي روح عالمدرسة

تعليم الأطفال اللي عندهن حاجات خاصة بلبنان



## مين نحن؟

HUMAN  
RIGHTS  
WATCH

نحن هيومن رايتس ووتش.



منشغل حتى نضمن إنو الناس بكل العالم يتعاملو بعدالة  
وياخدو حقوقن.


## عن شو هيدا التقرير؟



هيدا التقرير عن الأطفال اللي عندن حاجات خاصة ببلد  
اسمو لبنان.



كثير مدارس بلبنان بترفض الأطفال اللي عندن حاجات  
خاصة. هيدا غلط.




بسنة 2017 حكينا مع أطفال عندن حاجات خاصة  
وأهاليهن وناس تانيين لنشوف شو عم يصير.

## شو المشاكل اللي بيواجهها الأطفال اللي عندن حاجات خاصة بلبنان؟

كل الأطفال بلبنان عندن حقن يروحو عالمدرسة.

بس الموظفين بالمدرسة بيختارو مين يقبلو.

كثير أوقات بيقلو لأ للأطفال اللي عندن حاجات  
خاصة.




ما في دعم للأطفال اللي عندن حاجات خاصة بالمدارس


كثير أطفال عندن حاجات خاصة ما بيحصلو على الدعم  
المناسب بالمدرسة حتى يدرسو وينجحو.



## مباني المدارس




كثير أطفال عندن حاجات خاصة ما بيقدرو يفوتو على مبنى المدرسة أو يتنقلو فيه.



## أساتذة المدارس والموظفين ممن مدربين منيح

كثير أساتذة ممن مدربين منيح حتى يقدرو يدعمو الأطفال اللي عندن حاجات خاصة.



## المدارس بعيدة كثير



كثير أطفال عندن حاجات خاصة بيضطرو يقطعو مسافات طويلة حتى يروحو عالمدرسة أو يحصلو على الدعم الضروري.



كثير أطفال عندن حاجات خاصة بيعيشو بعيد عن أهلن وبيتن كرمال يتعلمو ويحصلو على الدعم.


## تكاليف إضافية




كثير أهل بيضطرو يدفعو مصاري زيادة للمدرسة إذا كانو ولادن عندن حاجات خاصة.

مثلا، الأهل بيضطرو يدفعو كلفة:


• المواصلات عالمدرسة




• دعم أطفالن بالمدرسة. مثلا، حدا يدعم ابنن أو بنتن كرمال يتواصلو أحسن



كثير أطفال عندن حاجات خاصة بيبقو بالبيت لأن أهلن ما بيقدر و يدفعو هالتكاليف.



## مطرح ثانية للأطفال اللي عندهن حاجات خاصة



في غير مطرح بيروح عليها الأطفال اللي عندهن حاجات خاصة.

هيدي مطرح هي للأطفال اللي عندهن حاجات خاصة وما فيهن يروحو عالمدرسة.



بس أغلب هيدي مطرح مش منيحة كفاية.

ما بيدرسو الأطفال منيح.

في أطفال عندهن حاجات خاصة بينامو بهيدي مطرح.

ببعض مطرح أوقات بينامو بنفس الأوضة مع الكبار.

هيديا مش آمن.



## شو عم تعمل الدولة بلبنان



القانون بلبنان بيقول إنو كل الأطفال حقن يروحو  
عالمدرسة.

يعني كمان الأطفال اللي عندن حاجات خاصة.




ممنوع المدارس تقول لأ للأطفال بسبب حاجتن الخاصة.

الدولة وغير ناس عم يجربو يساعدو أطفال أكثر عندن  
حاجات خاصة يروحو عالمدرسة.

مثلا، عم يجربو:

- يعملو المدارس أسهل يفوت عليها الأطفال اللي ما  
فيهن يمشو
- يعملو الدروس أسهل للأطفال اللي ما فيهن يشوفو

بس بعد في كثير إشي لازم تتعمل.




## شو لازم يصير هلق برأينا




لازم الأطفال اللي عندن حاجات خاصة يحصلو على نفس التعليم المنيح مثل الأطفال الباقين.

لازم يتعلمو بنفس الصف مع الأطفال اللي ما عندن حاجات خاصة.



لازم يحصلو على الدعم اللي عايزينو كرمال يدرسو منيح وينجحو.

هيدا إسمو التعليم الشامل.



لبنان لازم يطبق هيدا التعليم.



هيدي الإشي اللي بدنا الدولة اللبنانية تعملها:



1. تعمل خطط جديدة وقوانين وقواعد للتعليم الشامل.



كرمال تضمن إنو كل الأطفال يحصلو على تعليم منيح ويتعلمو مع بعض.

هيدا بيثمل الأطفال اللي عندن حاجات وعايزين دعم كثير.



2. تضمن إنو الأطفال اللي عندن حاجات خاصة يقدر و يروحو على مدرسة قريبة من البيت.

ما لازم يكونو بعاد عن أهلن كرمال يتعلمو.




3. تضمن إنو الأطفال اللي عندن حاجات خاصة يحصلو على الدعم اللي عايزينو كرمال يدرسو وينجحو.

مثلاً، الطفل أو الطفلة اللي عندهن حاجة خاصة يمكن يعوزو:



- خطة للدعم اللي بيعوزو بالمدرسة
- معلومات بلغة الإشارة، كلمات هيّنة، البرايل، أو أي شي تاني



• حدا يساعدهن بالصف

• دعم ليقدرن يعملو الإمتحانات

4. تضمن إنو الأطفال اللي عندهن حاجات خاصة وأهلن يحصلو على الدعم اللي عايزينو بمطرح قريب من بيتن.




مثلاً:

- معدات كرمال يقدر الأطفال اللي عندهن حاجات خاصة يتنقلو

• مواصلات رخيصة وهين يستعملوها



• عناية صحية منيحة



5. تضمن إنو الأساتذة والموظفين بالمدرسة يكونو مدربين ومدعومين منيح هلق وبعدين.

مثلا لازم يتدربو على:



• كيف يعلمو كل الأطفال اللي عندهن حاجات خاصة بنفس الصف مع الأطفال الباقين


هيدا يعني إنو يغيرو طريقة تدريس



• كيف يتواصلو مع الأطفال اللي عندهن حاجات خاصة



• كيف ما يخلو الأطفال اللي عندهن حاجات خاصة إنو يأذو حالن أو حدا يضربن



6. تدرب أهل الأطفال اللي عندهن حاجات خاصة وتدعمن مثل ما لازم.



7. تضمن إنو الأطفال اللي عندن حاجات خاصة يحصلو على الدعم حتى يتعلمو وينجحوا من هني وزغار كثير.



8. تشوف المدارس وتتأكد إنها بتعلم كل الأطفال بطريقة منيحة.



9. تضمن إنو الأطفال اللي عندن حاجات خاص وأهلن يقدر و يشاركو بقرارات إليها علاقة بتعليم والخدمات.



10. تعرف أكثر عن الأشخاص اللي عندن حاجات خاصة وشو بيعوزو.



11. تقول للأشخاص اللي عندن حاجات خاصة وأهلن عن الدعم اللي بيقدرو يحصلو عليه بمنطقتن.

12. تخبر كثير ناس عن حقوق الأشخاص اللي عندن حاجات خاصة.



13. تخلي الأشخاص اللي عندهن حاجات خاصة يقدر  
يتشكو بسهولة إذا ما أخذو حقوقن.



14. تضمن إنو يكون في مصاري كافية حتى تغير  
الإشياء.



كثير منظمات تانية لازم تساعد لبنان بهيدا الشغل.